

omnia castra districtus Tarvisii reddidit Comiti Augustini, pacto & conventionibus habitis inter eos, videlicet quod dictus Comes Domino Cani Grandi dare seu concedere debebat centum milites usque ad acquisitionem civitatis Padue & districtus. Qui Dominus Canis castrum Cittadelle XVI. (Octobris) obtinuit. Et eo Anno Paduani habito tractatu cum Comite Augustini de interficiendo Dominum Canem, & Ugutionem predictos, ipsis prescientibus XII. ex melioribus Augustinis, qui cum Domino Cane erant, capti fuerunt: propter quod Paduani civitatem Padue eidem Comiti Augustini tradiderunt. Et interventu Ducis Austrie, & Ducis Carinthie treuga facta fuit, & firmata inter Dominum Canem, & Paduanos a decimo Januarii usque ad quindecim Martii, tenente ipso Domino Cane castra omnia, quae tenebat in districtu Padue, excepto castro Baxani. Et eo Anno Ugutio de la Fexola in civitate Vincentie primo Novembris morte naturali decessit, & tertio ejusdem mensis Verone in Capitulo Fratrum Minorum honorifice fuit sepultus.

MCCCXX. Vigesimo Martii. Dominus Canis Grandis de la Scala habuit omnia Castra Districtus Tarvisii, quae primo Domino Comiti Augustini reddiderat; & circa Civitatem Padue cum ejus exercitu stetit usque ad XXVI. Augusti. Et ea vice Duces Austrie, & Carinthie, quibus Paduani se dederant, miserunt in Paduam magnam militum quantitatem, qui exiverunt subito de Civitate Padue contra Dominum Canem & ejus exercitum. Qui Dominus Canis fuit positus in conflictum cum ejus militia, & comitiva, multis ex suis interfectis, & captis. Et statim Castrum Baxanellum diruerunt, & Montemilicem obsiderunt per Annum, & ultra. Demum ipse Dominus Canis pacem fecit cum Paduanis, & Tarvisanis.

MCCCXXI. Vigesimo Julii. Dominus Gibertus de Cortigio de Parma mortuus est in quodam ejus castro (morte naturali) quod vocatur Castrum-Novum Districtus Parme. Qui Dominus Gibertus fuit cognatus Domini Albini de la Scala, seu Socer. Et eo Anno filii ipsius Domini Giberti de Cortigio in civitate Parme ad propria redierunt de mense Augusti (dicti Millefimi, & ibidem de cetero morati sunt).

MCCCXXIV. XXVII. Januarii. In castro Palazoli Districtus Brixie factum fuit Parlamentum, in quo convenerunt Domini Verone, Mantue, Ferrarie, Mediolani, & Domini pro majori parte superiores, & inferiores totius Lombardie, operantes contra Ecclesiam Romanam. Et fuit ibi tractatum de disruptione Pontis Placentie super Padum, ut mercantiae, & naves non possent ire Venetias de Mediolano. Et eo Anno primo Aprilis Dominus Canis Grandis de la Scala cum Veronensibus civitatis, & districtus Verone, & eorum auxilio & pecunia incepit fortificare, & fortificari facere civitatem Verone a parte versus Vincentiam a Porta Episcopi, de foveis, seu fossatis circumquaque usque ad Portam Sancti Georgii ob timorem Ducum Carinthie, & Austrie, qui adunationem fecerant Paduanorum, & Tarvisiensium. Et super ipsa fovea, seu fossato circa Veronam factus fuit murus a Porta Episcopi usque ad Sanctum Zenonem in Monte, & ultra. Et finaliter inter Domi-

num Canem predictum, & Duces predictos fuit firmata treuga usque ad Nativitatem Domini; & sic predicti Duces de voluntate ipsius Domini Canis & ejus licentia ad propria sunt reversi. Pro quibus fossatis & muris posita fuit Datia in civitate Verone XX. solidorum pro libra, & in Villis XV. solidorum pro libra.

MCCCXXV. XII. Januarii. Dominus Canis Grandis de la Scala, finitis treugis inter eum, & Paduanos, & Tarvisios, habuit castrum Brusaparchi per tractatum extrinsecorum; & castrum Vigazoli similiter habuit per pactum habitum cum extrinsecis. Et deo Anno Januarii Custodes dictorum castrorum permiserunt exire, salvis eorum armis, & personis. Et statim castrum predictum Brusaparchi fecit dirui & comburi. Et eo Anno Februarii Dominus Chichinus de la Scala morte naturali decessit. Eodem Anno quintodecimo Februarii Dominus Canis Grandis de la Scala cum ejus militia & exercitu discedens de Vincentia per Leonicum, Montagnanam, & Montemilicem transiens, Territorium Padue est ingressus, & omnia extra muros civitatis exposuit ferro & igni, nullis eidem obviam venientibus inimicis. Et eo Anno primo Junii posita fuit Datia in civitate, (& villis Verone de XVI. solidis per libram. Eodem Anno IV. Julii fuit magnus ignis in civitate Vincentie, & ibi stetit duobus diebus, & quartam partem civitatis intra muros ejusdem devastavit, & combussit. Et statim die sequenti Dominus Canis Grandis de la Scala veniens de Mutina in auxilio Domini Passarini, audito de crematione civitatis Vincentie versus civitatem Vincentiam equitavit, & in itinere infirmatus est; & Veronam rediit, & dubitatum fuit de morte ipsius. Ob quam causam Dominus Fredericus de la Scala, & filii Domini Albini verba de dominio civitatis Verone inter se habuerunt. Stipendiarii Domini Canis ad arma traxerunt: propter quod ipse Dominus Fredericus captus est, & castrum Marani, quod ipse tenebat, redditum fuit ipsi Domino Cani, & diruptum, & dictus Dominus Fredericus a Verona relegatus est cum ejus familia XIV. Septembris; & plures amici ipsius Domini Frederici mortui & capti fuerunt, & prelati. Et eo Anno circa principium Octobris Dominus Canis Grandis de la Scala ordinavit, & fecit compleri murum civitatis Verone a parte versus Mantuam, & Brixiam, & fuit MD. perticae, & constitit quilibet pertica XVI. ducatos auri.

MCCCXXVI. Nono Julii. Ambasiatores Regis Ruberti, & Domini Papae applicuerunt Verone, & hospitati fuerunt in Monasterio Sancti Zenonis, habito colloquio cum Domino Cane Grandi. Et nescitur qua de causa. Et nono Julii idem Dominus Canis Grandis ivit ad parlamentum cum Mantuanis, Ferrariensibus, & Mediolanensibus apud Sanctum Zenonem in Monasterio districtus Verone, eis Dominis dictarum Civitatum habentibus Exercitum, & ejus militiam circa Castrum Vitaliane Districtus Cremonae.

MCCCXXVII. Ultimo Maji. Dominus Ludovicus de Bavaria Romanorum Imperator cum Domina Imperatrice ejus uxore in coronatus fuit Corona Ferrea in Ecclesia Sancti Ambrosii de Mediolano, cujus coronationi interfuerunt Domini civitatum Lombardie, videlicet Montisferrati, Vercellorum, Novarie, Comarum, Pa-

x sexto decimo
() 8

predicti
hous
x duodecim

() 15

p. 86.

predictus

predicto

Thedifficatum per dominum
canem

p. 87.

Quoddam

Conigia

() 8

() 8

apparamentum
convenitur

ductione

et redire libere

p. 88

districtus Verone

xviii

p. 89

et

() 8

verbis

() contentiones

quarto

decimo

p. 90

et derobati

per temporum

intervalla

() 8

p. 88